

ODLUKU**O DAVANJU SAGLASNOSTI PREMIJERU KANTONA SARAJEVO ZA ZAKLJUČENJE DRUGOG DIJELA UGOVORA O VANSUDSKOJ NAGODBI ZA IZMIRENJE FINANSIJSKIH POTRAŽIVANJA KOJA SU DOSUĐENA PRAVOSNAŽNIM I IZVRŠNIM SUDSKIM ODLUKAMA UTVRĐENIH U TABELARNOM PREGLEDU OD 16.10.2023. GODINE, PO POZIVU VLADE KANTONA SARAJEVO BROJ 02-04-19964-33.1/23 OD 11.05.2023. GODINE****I**

Daje se saglasnost premijeru Kantona Sarajevo za zaključenje drugog dijela Ugovora o vansudskoj nagodbi za izmirenje finansijskih potraživanja koja su dosuđena pravosnažnim i izvršnim sudskim odlukama utvrđenih u Tabelarnom pregledu za drugi dio vansudskih nagodbi od 16.10.2023. godine, po Pozivu Vlade Kantona Sarajevo, broj 02-04-19964-33.1/23 od 11.05.2023. godine iz Budžeta Kantona Sarajevo za 2023. godinu.

II

Saglasnost iz tačke I ove odluke ima za cilj vansudsku nagodbu sa zaposlenicima organa i institucija Kantona Sarajevo radi izvršenja pravosnažnih i izvršnih sudskih odluka za potraživanja iz radnog odnosa.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-44125-9/23

19. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 38. vanrednoj sjednici održanoj 19.10.2023. godine, donijela je

ODLUKU**O DAVANJU SAGLASNOSTI NA SPORAZUM O PRODUŽENJU PRIMJENE KOLEKTIVNOG UGOVORA ZA DRŽAVNE SLUŽBENIKE I NAMJEŠTENIKE U ORGANIMA DRŽAVNE SLUŽBE KANTONA SARAJEVO****I**

Daje se saglasnost na tekst Sporazuma o produženju primjene Kolektivnog ugovora za državne službenike i namještenike u organima državne službe Kantona Sarajevo.

II

Ovlašćuje se premijer Kantona Sarajevo da, u ime Vlade Kantona Sarajevo, potpiše Sporazum iz tačke I ove odluke.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-44482-1/23

19. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/16 - Novi prečišćeni tekst i 37/14 - Ispravka) i Procedura

zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", broj 10/11 i 7/19), Vlada Kantona Sarajevo, na 38. vanrednoj sjednici održanoj 19.10.2023. godine, donijela je

ODLUKU**O USVAJANJU KAPITALNOG PROJEKTA UNAPREĐENJA KVALITETA ZRAKA****I**

Usvaja se kapitalni projekat "Unapređenje kvaliteta zraka" za resor saobraćaja (u daljem tekstu: Projekat) u ukupnom iznosu od 21.060.000,00 KM.

II

Projekat je uvršten u Strategiju razvoja Kantona Sarajevo 2021. - 2027. godina kao prioritetni investicioni kapitalni projekat.

Projekat je uvršten u nacrt Programa javnih investicija Kantona Sarajevo 2024. - 2026. godina.

III

Sastavni dio Projekta je struktura izvora finansiranja Projekta u kome su predviđena i kreditna sredstva.

IV

Sredstva za vlastito učešće Kantona Sarajevo koja se odnose na plaćanje PDV-a i drugih troškova na Projektu obezbijedit će se u Budžetu Kantona Sarajevo na razdjelu Ministarstva saobraćaja Kantona Sarajevo.

V

Postupak zaduživanja vršit će se u skladu sa Procedurama zaduživanja Kantona Sarajevo na osnovu unutrašnjeg i vanjskog duga i izdavanja garancija.

VI

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-44482-2/23

19. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 138. stav (3) Zakona o radu ("Službene novine Federacije BiH", broj 26/16 i 89/18), Vlada Kantona Sarajevo, na 30. sjednici održanoj 12.10.2023. godine, donijela je

RJEŠENJE**O IMENOVANJU PREGOVARAČKOG TIMA VLADE KANTONA SARAJEVO ZA VOĐENJE PREGOVORA SA OVLAŠTENIM PREDSTAVNICIMA SINDIKATA POLICIJE I DONOŠENJE KOLEKTIVNOG UGOVORA IZMEĐU VLADE KANTONA SARAJEVO I SINDIKATA POLICIJE KANTONA SARAJEVO****I**

U Pregovarački tim Vlade Kantona Sarajevo za vođenje pregovora sa ovlaštenim predstavnicima Sindikata policije i donošenje Kolektivnog ugovora između Vlade Kantona Sarajevo i Sindikata policije Kantona Sarajevo (u daljnjem tekstu: Pregovarački tim) imenuju se:

1. Admir Katica, ministar unutrašnjih poslova Kantona Sarajevo,
2. Emir Dedović, ministar finansija Kantona Sarajevo,

3. Enda Pavić Pečenković, ministrica za rad, socijalnu politiku, raseljena lica i izbjeglice Kantona Sarajevo,
4. Darja Softić Kadenić, ministrica pravde i uprave Kantona Sarajevo,
5. Fatmir Hajdarević, policijski Komesar.

II

U slučaju spriječenosti člana Pregovaračkog tima iz tačke I ovog rješenja, sastancima sa Sindikatом policije radi zaključivanja Kolektivnog ugovora između Vlade Kantona Sarajevo i Sindikata policije Kantona Sarajevo prisustvovat će lice kojeg pismeno ovlasti član Pregovaračkog tima.

III

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43312-9/23

12. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 121. stav (2) Zakona o policijskim službenicima Kantona Sarajevo ("Službene novine Kantona Sarajevo", broj 38/18, 26/19 i 39/20), a u vezi sa članom 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), Vlada Kantona Sarajevo, na 30. sjednici održanoj 12.10.2023. godine, donijela je

RJEŠENJE

O IMENOVANJU KOMISIJE ZA IMENOVANJE NA
POZICIJE PREDSEDAVAJUĆEG I ČLANOVA
POLICIJSKOG ODBORA

I

Imenuje se Komisija za izbor i imenovanje na pozicije predsjedavajućeg i članova Policijskog odbora (u daljem tekstu: Komisija za izbor), radi provođenja postupka imenovanja po Javnom konkursu za imenovanje predsjedavajućeg i članova Policijskog odbora:

1. Senada Hadžimehmedagić, predsjednik
2. Zajim Šarić, član
3. Nedžad Dedović, član
4. Fikret Jašarević, član
5. Emil Hodžić, član.

Za sekretara Komisije imenuje se Nihada Čomor. Sekretar Komisije obavlja administrativne poslove za potrebe Komisije, priprema zapisnike sa sastanaka Komisije, izvještaj o radu Komisije, vodi dokumentaciju i vrši druge poslove koje zahtijeva predsjednik Komisije.

II

Zadatak Komisije iz tačke I ovog rješenja je da nakon zatvaranja Javnog konkursa za imenovanje na poziciju predsjedavajućeg i članova Policijskog odbora u skladu s odredbama Zakona o ministarskim, vladinim i drugim imenovanjima Federacije Bosne i Hercegovine pregleda prijave prispjele na konkurs, sačini listu sa užim izborom kandidata koji ispunjavaju kriterije za imenovanje, po potrebi prikupi dodatne informacije o kandidatima, obavi intervju sa kandidatima i nakon toga, predloži Vladi Kantona Sarajevo rang-listu sa najboljim kandidatima na dalje razmatranje prema kriterijima utvrđenim u Odluci o utvrđivanju standarda i kriterija za imenovanje na

upražnjene pozicije predsjedavajućeg i članova Policijskog odbora ("Službene novine Kantona Sarajevo", broj 37/23).

III

Komisija za izbor će putem pisane preporuke predložiti rang listu kandidata sa najboljim kandidatima za imenovanje na pozicije predsjedavajućeg i članova Policijskog odbora.

Pisane preporuke Komisije za izbor, upućene Vladi Kantona Sarajevo, sadržavat će sve relevantne informacije o predloženim kandidatima, po redoslijedu sa lista o užem izboru.

IV

Komisija za izbor će svoje zadatke obavljati izvan radnog vremena te shodno tome predsjednik, članovi komisije i sekretar imaju pravo na naknadu za rad u Komisiji, koju će utvrditi posebnim rješenjem Ministar unutrašnjih poslova Kantona Sarajevo, a u skladu sa Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20),

V

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43312-10/23

12. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 34. stav (2) Zakona o ustanovama ("Službeni list RBiH", broj 6/92, 8/93 i 13/94) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), Vlada Kantona Sarajevo, na 30. sjednici održanoj 12.10.2023. godine, donijela je

RJEŠENJE

O RAZRJEŠENJU VRŠIOCA DUŽNOSTI
PREDSJEDNIKA NADZORNOG ODBORA JAVNE
USTANOVE "KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG
NASLIJEĐA SARAJEVO"

I

Tabak Berina razrješava se dužnosti vršioca dužnosti predsjednika Nadzornog odbora Javne ustanove "Kantonalni zavod za zaštitu kulturno-historijskog i prirodnog naslijeđa Sarajevo", zbog isteka mandata.

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43312-12.1/23

12. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 34. stav (2) Zakona o ustanovama ("Službeni list RBiH", broj 6/92, 8/93 i 13/94) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine